



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四〇六

小湖田樂府十卷 吳蔚光 撰

一

蕪鄉詩鈔八卷 蕪鄉詩續鈔四卷 蕪鄉詩遺鈔三卷 附四柳唱和詩一卷 金夢熊 撰

八一

完白山民寄鶴書一卷 鄧石如 撰

二二五

子雲詩集十卷 方正澍 撰

二二九

賜宴宗室禮成恭紀七言排律一百韻一卷 愛新覺羅弘旻 撰

三九三

稼門集十七卷（文鈔七卷 詩鈔十卷） 汪志伊 撰

四〇七

賜書堂集鈔六卷 賜書堂詩鈔一卷 陳昌齊 撰

五二五

述古堂文集十二卷 錢兆鵬 撰

六六五

嘉慶二年鐫

小湖田樂府

素修堂藏板

小湖田樂府

小湖田樂府自序

天地之運曰趨于文人之心亦曰趨于巧以其巧盡用于文文之敝也故聖人戒巧言而曰修辭立其誠曰辭尙體要曰辭達而已矣降及揚雄且云彫蟲小技壯夫不爲杜甫且云文章一小技小技之言其殆有感於巧而發乎然而凡人之心不用則槁木死灰耳用則其巧漸出而不窮巧出必有所歸歸于文而文敝歸于詩而詩亦敝文者經國之大業詩者所以厚人倫美風俗也未可以巧施也詞爲詩之餘託物寫情聊自抒其鬱結以巧歸之既不至委棄閉塞吾心同於冥頑而不靈而

小湖田樂府自序

一

文與詩亦可以不敝且夫巧者非必舍正卽邪而後爲巧也同一意也所以用之者不同直者婉之顯者含之連者閒之畢者申之斷續開合抑揚吞吐使人幾不知意之所在斯巧之至矣古來至巧者莫如離騷其言託於香草美人而一篇之中三反覆焉是故爲風之終爲賦之始詞雖小技亦風騷之遺也香奩卽美人也比也詠物卽香草也興也非幽閒靜細之士弗善爲也太白飛卿小調首基及南唐而有中調及宋而有長調卽此可以徵乎巧之漸出而不窮爲之者小調宜法唐中調宜法南唐北宋長調宜法南宋小調言短意長其巧愈

巧其不巧之巧愈巧長調則必排句鍊字以密閒疎而巧遂因之稍殺惟白石玉田能斷續開合抑揚吞吐如小調所以爲工極而論之玉田猶未達白石一閒矣先有太白後有白石妙哉技止矣蔚光幼讀太白詞而愛之後稍稍學爲小中調至長調亦始愛秦柳久而乃知姜張歲積月彙成詞十卷共五百餘闕見者或頗有巧之目巧非蔚光志也特有所託而逃以私冀夫文與詩之則未嘗不通於文與詩存乎其人耳卷一會鋟于木王述算少司寇復選入琴畫樓詞鈔中有數調未合賴

小湖田樂府

自序

二

鮑生叔冶爲書副本來摘其譌因而改正并自識所以爲詞之大略于卷末以質得見余詞之君子云時在嘉

慶元年冬十二月初六日

題辭

同邑

孫原湘

子瀟

且休論功名著述偷閒聊作詞客已經十七年林下獨對西湖澄碧還蠟屐把入畫家山題徧春雲濕飄然自適笑瑣闥曹郎變坡學士多少易頭白 其中最石帚老仙遺格翰林如此風月一聲鶴唳長松頂留語鶯啼都默求以寂似碧海青天冷露秋空滴呼來蟾魄欲問取常娥瓊樓玉宇此曲可聞得

右調摸魚子

同邑席佩蘭

韻芬

詩壇久已領羣雄爭捧珠槃拜下風鐵板銅琶歌水調

小湖田樂府

題辭

一

又傳絕唱大江東

競吹玉笛按銀箏誰似吳家樂府清夜半月明天籟起半兼飛瀑半松聲

惜花芳草託微波風調原如白石多三十六陂秋色裏冷香飛出小紅歌

不師柳七兼秦七肯學草窻和夢窻一片野雲飛不定并無清影落秋江

畫中書屋萬千椽空結鷗盟與鷺緣釣叟漁娃農子弟春風唱遍小湖田

小字簪花寫未成薔薇香露幾回傾秋燈願劈紅蠶繭

親繡曹娥八字評

同邑 趙同鈺 子梁

蓬山仙吏舊詞臣歸作騷壇領袖人綵筆一枝閒不得

小中長調更翻新

姜張風格本超然寫徧蠻方十樣牋一洗人閒箏笛耳

玉簫吹徹彩雲邊

幾拍紅牙調絕殊小湖田水碧縈紆擁書萬卷花三面

台寫雙鬟入畫圖

同邑 屈秉筠 宛仙 女士

烏絲傳寫徧詞壇多少名流抗手難七尺瑤琴千尺雪

小湖田樂府 題辭

仙人端坐碧雲彈

六家綺麗一齊刪瑤草瑤沙秀莫攀肯向旗亭誇畫壁

清音只落水雲閒

紛紛紅豆記當筵新譜湖田近玉田作箇人閒老詞客

自家忘却玉堂仙

跋

小湖田樂府十卷禮部夫子著譜也夫子以影纓綴組之歲賦歸來荒徑之辭以歌雲畫日之才爲副在名山之業蒼生深望丹鉛不疲寒暑之知因乎祠部風月之富推乎翰林侍帳而屏弱顏載酒而學奇字久已人瞻象渡之蹤市貯雞林之賈矣而夜光結綠蘊櫝者若虛孤竹雲和合契者非易洗筆還之耳先煩淫弗怡于心獸牯勺之曾俾離灑勿徒謂步湖田奚小不數贅洲樂府已多足傳棗版猶然薄篆刻非壯夫謙多能爲鄙事以茲編帙命份繕成紀年自初元以前謳歌在重華之

小湖田樂府 跋

始碎金爲屑識絕澤之囊多測水知濶卽浮天之波及加以珠堪記事鍼盡度人將有井水處而皆歌亦無銅尺諧而靡爽調刁竝息纂習兼施誠不知斯猶斯咏情生文生已其有矜螭翳之旁鳴灼螢林之末耀吹如劍映鼓此簧言謂銅琵琶鐵綽髻亦仙才檀版紅牙郎誰協律極寵柳驕華之致聊舒躍曳之情盡模山範水之能何當酒闌之顧不知夫刻楮者必倡葉爲工截竹者以應氣成響執管便韻與笳同音良天籟之自然非下里之寡和假使減字偷聲之弗察移宮換羽而無稽匹啞鐘于太常等濫竿于南郭調弦摩箏思截掌而指齊滴

粉接酥或安簷于目下則豈特四聲來鳩舌之誚兩部
雜畫咬之音又謂陶匏異器俱爲入耳之娛辛柳殊涂
均屬選辭之美彫翬狹路語可襲于玉谿畫角斜易韻
遂改于淮海柔顏曼視無妨進以么弦豪竹哀絲奚事
詆其雜弄抑知淄澠必辨而後毋殺于五味之盃也揮
沃必深而後毋瞋于五炙之刺也李青蓮之平調繼者
韓冬姜白石之樂章後惟叔夏公等碌碌吾欲云云凡
裁雲縫月之詞鮮調雨催冰之習稱郢中之絕唱是謂
曲高戒市上之邪聲始徵本領或更謂太音得諸疏越
溯原歸乎濫觴和清真之一集乃足平睨方回唐供奉

小湖田樂府

跋

二

之三詩安用倚聲南渡斯又捫象以談禪思鶚於見弘
者矣彼腐木溼鼓之陳豈關雅奏夏玉敲金之妙自見
古歡畫葉公之龍則宛宛弗肖學洽倫之鳳則足足相
諧算雨聽歌回風搗鼓銀箏按徧可該唐宋之新聲銅
斗敲殘直接齊梁之宮體從可知旗亭非矜于畫壁霓
裳難效于隔牆也已份於鳴詠之餘竊矢喁于之慕譬
瓠巴之拊瑟而聳鱗者淫魚若齊景之攷鐘而屢雒者
介雉莫窮此技誰爲錢郊外之薛譚使繼其聲我是到
後堂之彭佩門弟子鮑份謹跋

小湖田樂府卷一

昭文吳蔚光愬甫

卜算子

春閨

夢破倚妝臺粉鏡揩纔徧一對黃鶯一對蠡又一對紅
衿燕過了玉闌干忽帶風飛轉花鏤紋窻朶朶圓祇
掃眉人見

鵲橋仙

春風

輕不飄愁柔能颺夢催報幾番消息碧桃紅杏小於鈴
又箇箇被他吹拆堤邊衣葉屏梢鬢影漾處十分珍
惜黃蠶紫蝶捉團飛只有得人無氣力

小湖田樂府

卷一

一

浣谿紗

夏閨

冰簾羅紋鏤枕寒夢回慵整黛鬢徧背人斜揭水晶簾
紅削蓮趺三寸窄碧搓桐乳十分圓惹儂羞妒得儂
憐

臨江仙

金地山月夜卽事

山翠爲睂江作鏡一梳斜月低懸雲鬟小鞦韆花鈿羅
衫無意薄紈扇有情圓半炷沈檀勤合掌翠裙波蹴
雙鴛比肩心事折筵簾連絲纔是藕並蒂鎖成蓮

前調

涼月如銀人似玉分明鴉髻盤雲風吹百欄石榴裙粉

渦因汗拭花，朶作香熏。綠屨金梯，生怕滑。逡巡翠棧，苔紋倩人扶上。掌中身溜，釵伴匿笑，剗鞞暗回噴。

西江月

對面繡棚坐處，比肩鈿檻行時。天涯萬縷麴塵絲，釀遍相思如水。幽夢却無枕覺，閒愁或有鐙知。啄花社燕忒歸遲，又入盧家梁底。

眼兒嬌

睂峯青淺，眼波濃溜，入鬢雲鬆。綠楊葉底，碧桃花下，鎮定相逢。釧紋裙褶分明見，寶屣慣慙慙。拋人去也，雄雉雌蜺，各自西東。

小湖田樂府

卷一

二

蜨戀花

水浸桃笙涼過雨，說不相思總是相思處。月影在牀星在戶，鐙花笑煞人無語。江北江南多少路，卿夢纔來儂夢纔歸去。一霎相逢相爾汝，碧紗牕外青桐樹。

前調

一幃雲藍天似染，鉤月初生添上星千點。已字紅闌渾倚遍，相思豈在長相見。說到相思長似線，萬縷千絲不怕金風翦。羅帕鮫綃珠淚滿，寄他無計穿成串。

生查子

吳山觀月出

一棧是蛾眉，團作青銅鏡。螺嶂巧於奩，銜住菱花冷。

碧地潑金波，蕩碎雙梧影。午子浙江潮，半月渾無信。

添字浣谿紗

日漾妝臺百福奩，一雙乾鵲噪朱檐。停了鳳釵親手擲，背人占。粉漬羅巾藏蟬子，香潮錦帶束宜男。料道玉郎歸渾也，畫眉添。

長相思

煙霏霏，雨微微。纔卷珠簾却又垂，燕歸人未歸。柳依依，草離離。萬樹桃花紅亂飛，小樓花裏低。

憶少年

同心梔子交飛，粉蜨雙棲。朱鳳羅裙帶新結，忽斑駁相

小湖田樂府

卷一

三

送 簫局烘衣香霧重，午風柔簾鉤纔控。重池孟家被總難留殘夢。

調笑令

月影月影水浸一窩花冷，被風攪上牆陰，漏咽銅虬夜深。深夜深夜，絮殺綠窻閒話。

更漏子

玉鑲牀，金鏤枕，只許粉郎頭並。睂月翠鬟雲香，一痕水簾光。青桐露紅蕉，雨偏滴得涼如許。花有韻，燭多情，今宵是怎生。

解佩令

踏青詞

水沿花罇，琰痕軟綴，綠茸茸判是細鉤。襯做到春天，也愛惜輕香微粉，放三分日光纖嫩。坐時回睇，起時連臂，道明朝雨晴難穩。拾得緋桃，莫簪上盤頭雲鬢，管知他燕零蠹刺。

好事近

萬樹碧桃花，烘得小谿如火。白鷺飛飛去，有黃鸝來坐。橈頭船小，網纔乾，懸向隔花可。撒了一簑紅雨，把魚天撐破。

行香子

綠篠天斜，碧柳槎牙。小紅橋飛過金沙。蘿牆茅屋，添箇

小湖田樂府

卷一

四

籬笆。猜是園翁，是谿友，是農家。林轉縹車，岸挂魚叉。罾泥船柔櫓，伊鴉客來不速。商略生涯，有一牀書一瓶酒，一簾花。

天香

詠淡巴菰

蔗圃澆了荔亭，曬葉箱箱剉就金線繡袋。勻函鏤筒徐吸，熾過著番親換。熏人沒緒，噴幾葉巫雲撩亂，看被晴絲曳去，花梢軟風拖散。朋來乍遲茗盃，借微醺韻于酣半，稱與匣中紅豆子，名齊喚。一名相思草還恐相思味盡，爲細撥餘灰，蘊香炭一炷，愁苗秋衾夢斷。

字字雙

樓頭綠楊枝，復枝上有紅燕棲。復樓中聞黃鸝飛，復飛下有白馬嘶。復嘶。

醉春風

枕上吹蘭語，郎休如漂絮。梅花風後，棟花風住，住住過了元宵。更番初七，半年纔度。別淚紅如雨，郎也真慙。遽桂花天後，菊花天去，去去到了中秋，接連重九，一年將度。

南鄉子

檐鐵響初停，秋點催人一二更。無奈湘簾歡喜雨，聲聲滴到芭蕉葉上清。香穗墮銀檠，自撥蘭篝睡不成。又

小湖田樂府

卷十

五

是流螢飛到也，星星黏得梧桐葉上明。

酷相思

柔曲屏山銀鴨小，人乍起，朝寒峭。屋窻外鴉鬟私語悄。桃花也齊開了，杏花也齊開了。悶下金階親鬪草，爭判得贏時少。盼芳信，檀郎今轉杳。鶯兒也都來了，燕兒也都來了。

菩薩蠻

回文

曉牕春嫩曉鶯早，早鶯曉嫩春牕曉。寒雨杏衫單，單衫杏雨寒。斷腸愁夢短，短夢愁腸斷。歸未又花飛，飛花又未歸。

壺中天 詠晚香玉和瞿大叔游作

玉酥香膩儘難消，何況拆當煙晚，露釀梢頭初摘得，早聽攔街爭喚。粉蕾擎囊，翠莖拖綬，插向銀鉸看，醴芬斷續。趁他紈雪輕扇，無睡聞了心清，博山火炷，簾押敲珠蒜，儂願如花，通夜好花，也可如儂願，簾上聞香，帳中見影，消受知誰慣。嫩晴天氣，吳儂相對腸斷。

摸魚子

自題湖田書屋圖

算飛塵萬人海內，不如湖上春水。魚天浣影鬚眉碧，一鏡溼銅無膩。三五里，只藕葉菱花，種到水窻底。秋風至矣，向烏柏平杠，綠楊小步，香飯煮菰米。雲林曲蘆棲

小湖田樂府

卷一

六

茄區無際，茅堂穩縛沙尾，扁舟家具裝書卷，偕隱鹿門妻子。新月起，看百笏螺峯，明滅變金紫。人生適志，且蟹簞篝鐙，鴨欄吹笛，青鬢作漁弟。

前調

辛卯九日和趙少鈺

賸青天上弦明月，依然落我雙袖。光陰彈指真無幾，又早鴈南飛候。盃到口，奈碗壘填胸，須得中山酒。土人木偶，念白髮衰親，青衫游子，能不黯然否。愁團結難向，今宵輕剖，祇憐相識如舊，黃金臺下紅塵軟，多少鬪雞走狗。聊捉手，有淡勝黃花，良友休輕負。熊肥蛙瘦，更莫欺人閒，不如意事，大抵十居九。

前調 題張篋谷丈移家西湖圖

笑紛拏足鞦韆手板，幾多袞袞華省，誅茅早卜揚雄宅，最好西泠煙景。客管領，有揉碧搓藍，一幅明于鏡。鷺鷥鷗暝，向白傅堤腰，葛翁嶺腳，妍唱寄三影。生綃滑絳出，松坪梅町，柴扉開向沙徑，海懷霞想黃塵裏，結隱那番纔定。田二頃，更酒榼茶鐙，載上瓜皮艇，引入勝，待燒筍雲林，采蓴月汧，儂亦挂笞簪。

前調

汪秀峯招同方蒸砂坵堂李鑑川集盤門舟中

釣絲風綠楊城腳，吹來雲水深處。蓮葭藕葉何曾見，且向碧波心住。秋太苦，凭蠡殼船窗，猶賸九分暑。酒鱗茶

小湖田樂府

卷十

七

乳被銀甲彈箏，金釵壓簾，開了夕陽去。柁樓外拋却青山無數，十眉樣子新譜。人生消受風流福，最是鐙前爾汝相與語。只白髮青袍，又作今宵聚月香。一縷拚隔座藏鉤，分曹刻燭，飽聽豆花雨。

前調

西湖上與高東井話舊

東飛鶯與西飛燕，三年裁得攜手，軟紅十丈人如海。曾共燕歌易酒，今日又著筆格書牀。在水仙祠右，攢梨雪藕，等薰出魚雲，搓來鷗雨，不覺話長久。真堪笑儂已鬢鬢微有君，猶白晢依舊。劉郎前度桃花下，只賸一行秋柳如故。友喜羽扇蕉衫，紅杏尙書後，宋大端屏小樓清晝。

便商畧琴歌安排笛譜此福十分厚

百字令 車中感興

雞聲無奈一程程長把征人催起露宿風餐寒又暖那
不教人顚顚碧柳沙隄黃茅土店嘗盡泥滋味故園回
首三千三百餘里縱使拔劍當歌把盃當醉總悽然
遊子馬矢牛溲塵眯目夢煞江南山水打麥風斜插秧
雨細是嫩涼天氣回腸何似車輪朝暮無已

前調 題汪秋曉照

崢嶸蕭瑟便披圖也覺塵襟如掃何況圖中人一箇獨
坐飛樓縹緲碧地梧雲綠天蕉露分寸光陰好風流似

小湖田樂府 卷一

八

此功名真不須早可笑醉倒螺卮夢酣蜚枕大半勞
生擾殘月疎星新境界到手等閒拋了白袷兜涼綠牕
貯爽吟韻鏘林杪輪君自號不曾辜負秋曉

掃花遊 飲桂花下

不如人意是月地拋花露天停酒者番莫負向金粟叢
中拍肩叉手紅滴珍珠那分齊開笑口坐來久自日落
酉時到一更後初七還下九讓未及中秋嫩涼窻牖
剝菱切藕等年年歲歲幾經消受儂便看花試問花看
儂否趁今夕洗瑤盃醉爲花壽

滿江紅 題汪研香燕子磯阻風圖和陳古愚韻

著紙如飛是燕子危磯百尺看畫出蓬山潑翠長江綠
白斜日敲殘僧寺鼓寒煙弄破漁船笛去年秋我亦此
登臺芒屨溼江東恨空陳迹酒須飲花應摘好紅顏
孰遣更生雙翼白浪捲將前代去黑風吹得今人歇問
君家易儻有誰同烏衣客

金縷曲 留休寧十餘日以事先歸填示槐江兼別諸父兄弟

三四十多路算者番江湖聽飽對牀風雨兩箇銜蘆沙
上雁到處同甘共苦今已見新安雲樹白獄黃山原故
里笑重歸却也如羈旅只賸得作鄉語諸兄諸弟同
諸父喜連宵茶濃酒醖大家團聚著意勾留終底別不

小湖田樂府 卷一

九

爲綠窻兒女又何況前期已誤初七重三都過了早嘗
梅柳鮮交端五吾去矣爾還住

風蜨令 舟晚

船尾青山送船頭綠水留半天釣起我離愁又是初三
新月曲如鉤活碧蔬登棹生香酒出簫啞啞離岸櫓
聲柔忽地疑他唳鴈一繩秋

喝火令 十一月十五夜對月

畫閣層層上彫闌曲曲連也無雲片也無煙只有匣中
鸞鏡挂在碧羅天香篆心同結茶膏手自煎蓮花漏
緊且無眠笑說今宵明月十分圓笑說今年明月猶有

一回圓此詞爲魚門前輩所酷賞戊戌南歸送行詩云樓頭寒月開圓鏡注君有對月詞最工指此也

江南好

江南好最好虎邱塘紅袖當壚烹茗緩翠籃過市賣花忙軟語絮斜陽

前調

江南好最好虎邱塘燭下分將眉黛色盃中傳得口脂香十五杜秋娘

前調

江南好最好虎邱塘茉莉串成珠一个芭蕉鑲就扇雙行橋口水風涼

小湖田樂府

卷一

十

倦尋芳

水痕髮靛山瀋糊砂雨洗春曉逗片鱗雲皺破一條殘照撲綿天游絲地綠癡了紅心芳草最無慘只纔排胃索風煙猶早打成團蠡多蜨少作意尋花翻被花惱著瘝山衣那處酒人同笑攆得叉魚船子去竹碣松岸清於掃仗幽情好招他鷺來鷗到

浪淘沙

春寒

小雨打簾旌睡鴨香生尖寒慣入綺疏輕一樹櫻桃開也未又是清明吹熟玉簫聲擔綴花飴釐將天氣沒心情燕子銜春銜不到何況流鶯

南歌子

草絆羅裙綠花黏錦帶紅印來響屐太從容只有留黎屏裏影相同粉片揩纔膩螺九碾最融枕函描出繡芙蓉添對波心飛鳥白頭公

玉樓春

金階雨漬如酥潤一个花蠹行處趁苔錢踏後紫生香桃纈簪餘紅入韻蘭池鏡影重撩鬢只輕心情怕人問故教侍女護窻紗莫放出鑪煙寸寸

桃源憶故人

綠雲渲作冰蟾暈蠟苒銅盤贏寸生怕紅螺杯冷酒也由他刺梧陰玉虎牽金井抵得情絲如綆並宿雙樓無分祇比肩差肯

小湖田樂府

卷一

十一

一翦梅

紅扇雙扉帶水圓偶折花枝繫馬門前臉波隔住是珠簾十五芳年十六芳年不悔慇懃墮玉鞭欲倩香風吹夢銀奩金衣嚙徹枕窩邊蠶也三眠柳也三眠

雙紅豆

鈿閣挨花繡窻靠水攔將半堵紅牆劍藕靈心削蔥妙手九張機上流黃挂鏡生光照金鍼密度玉尺勻量鴉髻綠雲長任輸他倭墮新妝縱蛟瑟纏鬆鸞笙調脆

小膽怯守空房何須閒拾翠約羅裙綠膩紅香璫瑀方
牀垂斗帳圓蟾水涼笑窺人雙雙被面鴛鴦

如夢令

蠟淚挑殘珠鳳點屐弓弓相送細雨又斜風寧得離人
如夢如夢如夢說了一聲珍重

生查子

蛛網絡檐牙冒得流螢住鱗片蹙湘雲涼夜剛三五
桐葉蝕圓蟾壁彩如珪吐一滴雨懸珠光照青蟲語

一斛珠

蘭雲齊覆釵叢抹麗釀芬逗衆中偏解橫波溜顫下金

小湖田樂府

卷一

三

階紅賺鞦韆漏怪人餐飽眉峰秀故搖方麴雙蛾綳
背花無地回身走扶上香車笑搵香羅袖

長相思

粉痕勻黛痕勻花底容鏡三五分燈光恁不明鏡中
人月中人香暖金猊歎作雲銖衣穩稱身

虞美人

西風翦碎雲千葉不了愁峯疊暮鴉歇去夕陽紅烘得
丹楓紫柏一天濃畫欄錦石秋花帖依舊棲蝴蝶玉
鉤無分挂簾櫳分照吳根越角兩頭同

祝英臺近

扣茶蘼簪芍藥不隔鏡臺面一綫靈犀故索綠沈管相
隨研粉牆陰戩金屏角驚散也小鈴花犬無幾見已
是月底巫雲吹墮別峯暖折斷荷絲莫把白團扇只曾
帶上香囊紅羅四角許偷覷繡棚雙燕

點絳脣

截斷虹腰柳梢殘雨猶飛滴鴨頭水碧浴粉鷗一隻
魚尾明霞紅惹花心蜨眠不得青天卯色挂上下弦月

釵頭鳳

紗窗閉和衣睡看看是一更天氣人初靜愁難禁風兒
如翦月兒似鏡冷冷冷冷檀薰細蘭膏膩料儂也壓將

小湖田樂府

卷一

三

鴛被歸來信何時定釵兒無據夢兒不準醒醒醒

鷓鴣天

柳眼將青杏靨紅春寒勒住小簾櫳千絲搓就露淞雨
一片裁成料峭風朝刺促夜惺鬆不知何處可通融
春光九十閒拋了半是愁中半夢中

山花子

鵲腦香飛一縷清鐙前私語不聞聲卸却茱萸合歡帶
夜三更繡被生潮鴛夢軟汝南雞又喚人醒桐子條
條斜月漏未天明

酷相思

握手叮嚀無別語，只莫向江頭住。是無信，江湖朝復暮，午潮也留人住，子潮也催人去。水滿難持荷作柱，但剝得蓮心苦，待斫了門前烏柏樹，繫馬也。郎何處，繫舟也。郎何處。

前調

金縷絲絲牽別緒，翠罇淺難教住。最惆悵，江南寒食路，草綠也春歸去，水綠也人歸去。落盡梨花雙燕語，畫樓上瀟瀟雨，看天色一條催欲暮，草綠也春何處，水綠也人何處。

卜算子

小湖田樂府卷一

十四

勻面了梳頭，日影紋窗下。生小睂山碧，一痕不倩檀奴畫。欲出又翻遲簾角，丁香架，拗得纔開葢半丫。露灑香羅帕。

探春慢

臘日

凍草江邨，燒痕一翦，細腰圓鼓初報。刺繡深閨，添來幾線，便說人家祀竈。膩滑脂花，饒伴醵釀鄰，筠香好，拚教瀉盡雞缸，殘歲風光多少。梅蕊戟枝，坼了勝浴佛年時。天氣寒峭，釜粥闌豬，番番故事，差抵瘦羊風調。想蠟脂此日，定翠管銀罌傳到，夢斷東華，冬春夜深林杪。

解語花

六月十五吳山書所見

綠荷裏，燭紫箋黏香猜玉人來也。鈿轅纔下，扶絲鬢雙印，腕闌斜卸單衫。花亞露繡，蝶交飛，翬罽奈合歡團扇，遮塵半面泥金寫。應是莫愁初嫁，數華年差勝月圓。此夜白衣參罷，賺壓帶子母金錢，親捨檀郎都雅，願早得夢蘭秋社，看掌中雲片攜歸，只有鮫綃帕。

南鄉子

題雙美人障

人在畫中看秀色，生成若可餐。無物擬卿花一朵，漳蘭恰艷，清香到鼻端。新樣髻低盤，姑嫜何期也。二難手拍仙肩，同小立，雙鸞黑白，縑衣卻盡單。

鳳棲梧

小湖田樂府卷一

十五

雲研藍牋吹不動，試借泥金添畫。雙飛鳳，我有離心千萬種。一齊寫上休教空，欲寫難成纖指痛。縱使成時，誰爲先馳送。燭短香殘人若夢，滿窗明月全無用。

點絳脣

萬點殘紅，玉欄干外花啼血。有微聲息，似向何人說。我最情癡，苦爲花憐惜。春三月，雨離風別，少箇晴時節。

小湖田樂府卷一終

小湖田樂府卷二

昭文吳蔚光愬甫

百字令 金地山放歌

不如歸去只人閒難得江山如此我欲乘風遊五嶽富貴偶然之事拓戟酣歌呼籌痛飲慨平生志登高望遠百年原有知己已是白髮慈親青衫游子無以供甘旨破帽疲驢持半刺行役更嗟予季燕市風塵薊門煙月北望三千里何妨且住人生行樂而已

前調 題弄月蓮花溝圖

白雲如海忽蒼然涌出芙蓉千丈祇有剛風扶客到獨

小湖田樂府 卷二

立蓮花溝上金鏡高飛玉壺遙挂倒影天池混清輝萬里攬之還不盈掌空想紫阜丹崖峯三十六算此峯無兩北轍南帆塵空裏那得人閒清曠足跼跼曾羅星宿天地何其廣披圖一夢廣寒吹下妍唱一

前調 城西泛舟兼別郭二

妝樓波上看人家十里簾旌齊揭花氣粉香蒸作雨吹到日光一葉銀甲輕挑金釵小彈未是愁時節蘭橈隨著臉波無意明滅一任青草湖腰綠楊城脚看煞蒼峯碧粥鼓餚簫誰賽社歲歲故鄉游歷亂水孤帆殘山匹馬待結燕臺客十分棖觸酒帘風裏難說

前調 入都留別七叔

悲歌慨慨但相逢泣下數行而已鄉里小兒皆自得那更鬪雞牧豕君眼空青我眉縱白得一人知己東西南北拂衣從此行矣自是戴笠耕夫荷蓑漁父勝紆青拖紫墨稼紙田徒四壁未了向禽家事擊楫江淮驅車泰岱百尺元龍氣功名富貴滔滔江漢流水

前調 寄高三湖州

清華江左問詞場擘紙誰推青兕金地山頭初把臂一笑久知名字香令風流粉郎丰格瀟灑無雙士金荃新曲并華歌遍江市正好松閣聽潮石樓話雨拚十千

小湖田樂府 卷二

同醉漂絮浮萍星散也消息魚牋難寄顧渚如環峴山似髻送晚紅餘翠夢飛無路思君真若流水

前調 題周某倚馬圖

黏天茸碧問何處著得一鞭塵也雨潑球場勻似颿笑倚連錢驄馬烏帽天斜青袍戍削結束輸都雅生綃皺出看公寧久人下應歎叱犢溪田跨驢山市子丁奚爲者歷落崑崎湖海氣肯讓犂刀首把暮裏飛書殿前作賦胸次無由寫是誰知己一過冀北之野

前調 寄伯兄

綠陰如水夢纔回小院孤蟬聲咽十二湘簾渾不卷心

字篆紋徒結酒釀茶香懷人天末只悔輕離別相思書札開函欲讀還歇遙想燕市捶琴金臺擊筑對風沙愁絕射鴨撈蝦生計好休忘五湖明月自笑疎頑移花時竹閒事都成癡江邨秋雨翦燈留爲君說

念奴嬌

九日虞山登高有懷陸大猷

無風無雨好登高最是重陽時節老柳叢蘆邨郭外幾筆畫成秋色言子祠荒巫公塚冷指點樵夫識暮鴉唳處夕陽紅上殘碣陡覺落帽人孤題餞客香十載天涯別菊殘萸囊孤負慣此意雁兒堪說一角青山半灣綠水中有誰家笛不如歸去持觴沈醉今夕

小湖田樂府

卷二

三

綺羅香

詠夾竹桃

露井酣風香溪暈雨宮柳腰肢差似冷簾浮筠誰分同根連理淚千絲湘女江邊霞萬片秦人源裏暗憐他翠袖天寒嫋娟修竹無言倚定武甕中開也隱約紅衣發齒青鸞回尾人面重門崔護乞漿休記任飄飄舞蝶遊蠡漫躑躅落紅流水賺相思竹外桃花河豚初上市

瑣窗寒

暮秋

月讓鐙青霜欺葉碧梧桐高閣金風似翦新雁一繩吹落幾相猜故人書札甚難來水邨山郭柴門吟瘦茶煙贏得鬢絲如昨秋光休負却恰蟬螯肥也白酒初

熟菊花如客對清影破巾旋漉縱者番不醉千回怎耐那檐牙敲玉待小春開了山梅重尋雞黍約

桂枝香

夜坐懷七八兩叔

曲池疎樹見翠館涼初流螢無數冰簾橫陳消受荷香風露銀缸落蕊紅于豆又文簫譜殘何處不堪回首香消夢斷懷人無語記往日麥風梅雨每綠酒分曹紅牋覓句一別經時空盼燕來鴻去晚潮得便拏孤艇好共吐繭絲愁緒龜麈試采肥波薛濺月明同煮

望海潮

題吳山觀潮圖

亂山如馬清江如帶潮聲直撼高秋居士衣裳仙人拄

小湖田樂府

卷二

四

杖置身第一峯頭風急暮雲收看海門一綫鼉吼蛟愁涌雪飛銀颯然齊向富春流披圖懷古悠悠有風帆沙鳥扶港蘆洲犀弩蘚埋樟臺樹擁錦衣人記錢鏐萍梗十年游笑梁園枚叔常共淹留好約煙波垂釣長嘯問扁舟

水龍吟

題渡牛圖

水邨仿佛殘春陂塘漠漠飛鷗鷺秧田十頃碧流環抱板橋無路蒲末風生柳陰飯罷獨鳴柔艣指茅堂竹舍晴沙渡口載將箇鳥健去簪笠荷衣芒屨羨行藏不沾塵土儘多生計雞宮豚栅蔗畦瓜圃瘦馬衝水蹇驢

嘶月總教輪與問斜陽影裏一聲牧笛挂經歸否

臺城路

暮春

杜鵑曉殺春歸去真真者番歸也月午湔裊花辰鬪草
負了玉驄遊冶紅交翠亞是梅子枝梢薔薇棚架紫蝶
黃蠶日長尋到小亭榭晶簾如水十二妒芹泥燕紫
押蒜雙下無力溫風多情溼雨夢裏一簫龍麝春綿怯
卸有帶孔頻移疼腰盈把萬恨千愁倩黃鶯細話

前調

新市舟中紀遇

鶉鴒呼夢東風軟船唇繫來芳樹沙市煙暄江樓日潤
燕入湘簾鉤處雲鬟淺露正粉面初勻海棠含雨小妹

小湖田樂府

卷二

五

清谿華年差勝玉簫柱橫波無限脈脈恨錦帆往暮
不教人住一抹遙峯半鉤早月依約絳仙眉嫵柔情萬
縷只淚逐楊花暗潮流去六六蘋鱗玉牋誰寄與

金縷曲

寄八叔

判襖當重九忒怱怱西南樓角兔華圓又十樣蠻箋相
思字欲寄還藏懷袖想泖水秋潮時候螭蟬堆黃鱸切
玉撈霜枝香泛螺盃酒沈醉也唱銅斗前塵影事空
回首歎年來樊川杜牧鬢絲非舊詞客酒人雲散後蕭
瑟藥鑪茶臼便擬種秫田三畝雨笠煙簑驅犢去有白
盞赤米堪餬口終身約叔能否

前調

邵元達見題拙稿填此答之

鏡裏華顛雪笑生涯藥鑪茶銚墨牀琴席刻燭簪花都
似夢賸了朋牋稠疊縱卷軸牛腰何益怨別傷春心萬
縷剔銅虹把唾壺敲缺盃未覆耳先熱烏衣子弟真
清絕最憐伊簾前慘綠雙眉偏白第一衛郎新粉面看
殺羊車時節謝青鳥多情銜得玉作心思珠作句早風
流不減雕龍格吟墮我袖中月

前調

賀友納姬

圓渚葦波膩趁並頭芙蓉亂放晚涼天氣十斛量珠新
選就略與夜來相似看月午鈿車迎至絳蠟搖光渾不

小湖田樂府

卷二

六

定但鑪煙雙裊人微醉調絲手孰堪擬桃笙鴛帳情
如水夢微闌遲遲紅日銀屏同倚玉鏡臺前盤髻罷省
否雀釵宵墜逗隱約蛾眉新翠未識是誰傳綠筆蘸香
螺頻傍簾波試鸚鵡喚總閒事

沁園春

立夏後一日紀事

不信春歸有女如雲在水一方恰櫻桃紅靚脂唇含露
茶蘼黃俏膠鬢凝香鼉鼓闌雷鳧車翻雪預占瑤津一
日狂蝦鬚揭報划船到也齊露釵梁粉綿吹倦垂楊
任夾岸青絲繫纜長笑分明花底客窺蛺蝶留連沙上
許逐鴛鴦眉翠分山眼波妒渚隔著銀灣枉斷腸歸來